



МОНГОЛ УЛСЫН ШАДАР САЙДЫН ТУШААЛ

2024 оны 01 дүгээр сарын 31-ний өдөр

Дугаар 10

Улаанбаатар хот

АЖИЛ ҮЙЛЧИЛГЭЭНИЙ ТӨЛБӨРИЙН ХЭМЖЭЭГ ШИНЭЧЛЭН БАТЛАХ ТУХАЙ

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Стандартчилал, техникийн зохицуулалт, тохирлын үнэлгээний итгэмжлэлийн тухай хуулийн 30 дугаар зүйлийн 30.4 дэх хэсэг, Хэмжил зүйн тухай хуулийн 23 дугаар зүйлийн 23.4 дэх хэсгийг тус тус үндэслэн ТУШААХ нь:

- 1."Хэмжил зүйн ажил үйлчилгээний төлбөрийн хэмжээ"-г нэгдүгээр хавсралтаар, "Сорьцын ажил үйлчилгээний төлбөрийн хэмжээ"-г хоёрдугаар хавсралтаар, "Лабораторийн шинжилгээ хийх ажил үйлчилгээний төлбөрийн хэмжээ"-г гуравдугаар хавсралтаар, "Баталгаажуулалтын ажил, үйлчилгээний төлбөрийн хэмжээ"-г дөрөвдүгээр хавсралтаар тус тус шинэчлэн баталсугай.
- 2.Энэ тушаал гарсантай холбогдуулан Монгол Улсын Шадар сайдын 2015 оны 117, 2020 оны 08, 2019 оны 22 дугаар тушаалуудыг тус тус хүчингүй болсонд тооцсугай.
- 3.Тушаалыг хэрэгжүүлж ажиллахыг Стандарт, хэмжил зүйн газар (Б.Ууганбаяр)-т даалгасугай.
- 4.Тушаалын хэрэгжилтэд хяналт тавьж ажиллахыг Шадар сайдын ахлах зөвлөх бөгөөд Ажлын албаны дарга (Б.Мөнх-Оргил)-д даалгасугай.
- 5.Шинэчлэн батлагдсан ажил, үйлчилгээний төлбөрийн хэмжээг Захиргааны хэм хэмжээний актын улсын нэгдсэн санд бүртгэж, эмхэтгэлд нийтлэгдсэн өдрөөс дагаж мөрдсүгэй.

МОНГОЛ УЛСЫН ШАДАР САЙД С.АМАРСАЙХАН

БАТАЛГААЖУУЛАЛТЫН АЖИЛ, ҮЙЛЧИЛГЭЭНИЙ ТӨЛБӨРИЙН ХЭМЖЭЭ

1. Менежментийн тогтолцооны баталгаажуулалтын ажил үйлчилгээний төлбөрийн хэмжээ

д/д	Ажил үйлчилгээний нэр	Төлбөрийн хэмжээ (төгрөг)
1	Баталгаажуулалтын өргөдөл хүлээн авах, баримт материалд дүн шинжилгээ хийх	490,000
2	Аудитыг газар дээр нь явуулах суурь үнэ (нэг хүн-цагт)	25,000
3	Менежментийн тогтолцооны нэг төрөлд гэрчилгээ эзэмшүүлж, стандартын тэмдэглэгээ хэрэглүүлэх үйлчилгээний жилийн төлбөр	1,000,000
4	Орон тооны бус аудиторын ажлын хөлс (нэг хүн-өдөрт)	100,000

Тайлбар:

1. Үйлчлүүлэгч байгууллага нь аудитын багийн тээврийн зардал болон зам хоногийн зардлыг хариуцна.
2. Аудитад хамаарах нийт төлбөрийг тооцоходоо аудитыг газар дээр нь явуулах суурь үнийг аудитын багийн ажиллах хугацаа (X_c), ажилтны тоогоор (n) үржүүлж тооцно.
 X_c – ажиллах хугацаа, цаг
 n – ажилтан(аудитор)-ы тоо

2. Бүтээгдэхүүн, үйлчилгээний баталгаажуулалтын ажил үйлчилгээний төлбөрийн хэмжээ

д/д	Ажил үйлчилгээний нэр (схемийн төрлөөр)	Төлбөрийн хэмжээ (төгрөг)
1	схем-1: Нэг төрлийн цуврал бүтээгдэхүүний баталгаажуулалт	425,000
2	схем-2: Хоёр ба түүнээс дээш төрлийн цуврал бүтээгдэхүүний баталгаажуулалт	429,000
3	схем-3: Нэг төрлийн парт бүтээгдэхүүний баталгаажуулалт	485,000
4	схем-4: Хоёр ба түүнээс дээш нэр төрлийн парт бүтээгдэхүүний баталгаажуулалт	572,000
5	схем-5: Нэг төрлийн үйлчилгээний баталгаажуулалт	379,000
6	схем-6: Хоёр ба түүнээс дээш төрлийн үйлчилгээний баталгаажуулалт	376,000
7	схем-7*: Экспортын бүтээгдэхүүний баталгаажуулалт (дотоодын үйлдвэрийн гэрчилгээтэй тохиолдолд)	120,000
8	схем-8*: Экспортын бүтээгдэхүүний баталгаажуулалт (дотоодын үйлдвэрийн гэрчилгээгүй тохиолдолд)	217,000
9	схем-9: Нийлүүлэгчийн мэдэгдлийг бүртгэх	256,000
10	схем-10: Органик хүнсний баталгаажуулалт	1,200,000
	Тохирлын гэрчилгээ эзэмшүүлж, баталгаажуулалтын гэрчлэх тэмдэг, олон улсын болон үндэсний итгэмжлэлийн таних тэмдэг хэрэглүүлэх жилийн төлбөр	100,000
	Орон тооны бус шинжээчийн ажлын хөлс (нэг хүн-өдөрт)	50,000

Тайлбар:

* - Уул уурхайн эрдэс бүтээгдэхүүн (БТКУС-ын 26-р бүлэг)-ий хувьд бүх төрлийн баяжмалын 500 тонн тутамд, бүх төрлийн хүдрийн 3,500 тонн тутамд ажил, үйлчилгээний төлбөрийг схем 7, схем 8-д заасан хэмжээгээр тооцно.

----- оОо -----